

## 2001 nr. 36 22. maí

### Lög um Seðlabanka Íslands

Tóku gildi 23. maí 2001. Breytt með l. 129/2004 (tóku gildi 31. des. 2005), l. 5/2009 (tóku gildi 27. febr. 2009), l. 87/2009 (tóku gildi 20. ágúst 2009) og l. 98/2009 (tóku gildi 1. okt. 2009 nema 69. og 70. gr. sem tóku gildi 1. jan. 2010).

#### I. kaffli. Staða, markmið og verkefni.

■ **1. gr.** Seðlabanki Íslands er sjálfstæð stofnun í eigu ríkisins. Um stjórn hans fer samkvæmt lögum þessum.

□ Ríkissjóður ber ábyrgð á öllum skuldbindingum Seðlabankans.

■ **2. gr.** Aðsetur og varnarþing Seðlabanka Íslands er í Reykjavík.

■ **3. gr.** Meginmarkmið Seðlabanka Íslands er að stuðla að stöðugu verðlagi. Með samþykki [ráðherra]<sup>1)</sup> er Seðlabankanum heimilt að lýsa yfir tölvulegu markmiði um verðbólgu. □ Seðlabankinn skal stuðla að framgangi stefnu ríkisstjórnarinnar í efnahagsmálum, enda telji hann það ekki ganga gegn meginmarkmiði sínu skv. 1. mgr.

<sup>1)</sup> L. 98/2009, 46. gr.

■ **4. gr.** Seðlabanki Íslands skal sinna viðfangsefnum sem samrýmast hlutverki hans sem seðlabanka, svo sem að varðveita gjaldeyrisvarasjóð og að stuðla að virku og öruggu fjármálakerfi, þ.m.t. greiðslukerfi í landinu og við útlönd.

#### II. kaffli. Útgáfa seðla og myntar.

■ **5. gr.** Seðlabanki Íslands hefur einkarétt til þess að gefa út peningaseðla og láta slá og gefa út mynt eða annan gjaldmiðil sem geti gengið manna á milli í stað peningaseðla eða löglegrar myntar.

□ Seðlar og mynt sem Seðlabankinn gefur út skulu vera lögeyrir til allra greiðslna með fullu ákvæðisverði.

□ Tilefnismynt sem Seðlabankinn gefur út skal vera lögeyrir til allra greiðslna með fullu ákvæðisverði. Seðlabankanum er heimilt að ákveða að tilefnismynt sé seld með álagi á ákvæðisverð hennar. Ágóða af sölu tilefnismyntar skal varið til lista, menningar eða vísinda samkvæmt ákvörðun [ráðherra].<sup>1)</sup>

□ [Ráðherra]<sup>1)</sup> ákveður að fengnum tillögum Seðlabankans lögum, útlit og fjárhæð seðla þeirra og myntar sem bankinn gefur út og lætur birta auglýsingum um það efni.

<sup>1)</sup> L. 98/2009, 46. gr.

#### III. kaffli. Innlend viðskipti.

■ **6. gr.** Seðlabanki Íslands tekur við innlánunum frá innlánstofnunum en til þeirra teljast viðskiptabankar, sparsjóðir, útibú erlendra innlánstofnana og aðrar stofnanir og félög sem heimilt er lögum samkvæmt að taka við innlánunum frá almenningu til geymslu og ávöxtunar. Honum er einnig heimilt að taka við innlánunum frá öðrum lánastofnunum og fyrirtækjum í verðbréfajónustu.

□ Seðlabankinn setur nánari reglur<sup>1)</sup> um viðskipti sín samkvæmt þessari grein, þar á meðal hvaða lánastofnunum öðrum en innlánstofnunum er heimilt að eiga innstæður í bankanum.

<sup>1)</sup> Rgl. 540/2007.

■ **7. gr.** Seðlabanki Íslands getur veitt lánastofnunum, sem geta átt innlánsviðskipti við bankann, sbr. 6. gr., lán með kaupum á verðbréfum eða á annan hátt gegn tryggingum sem bankinn metur gildar. Lánsviðskipti þessi geta verið í innlendri eða erlendri mynt. Bankinn setur nánari reglur<sup>1)</sup> um viðskipti sín samkvæmt þessari málsgrein.

□ Þegar sérstaklega stendur á og Seðlabankinn telur þess þörf til að varðveita traust á fjármálakerfi landsins getur hann veitt lánastofnunum í lausafjárvanda ábyrgðir eða önnur lán

en um ræðir í 1. mgr. á sérstökum kjörum og gegn öðrum tryggingum en um getur í 1. mgr. eða öðrum skilyrðum sem bankinn setur.

<sup>1)</sup> Rgl. 553/2009.

■ **8. gr.** Til að ná markmiðum sínum skv. 3. gr. kaupir Seðlabanki Íslands og selur ríkistryggð verðbréf og önnur trygg innlend verðbréf á verðbréfamarkaði eða í beinum viðskiptum við lánastofnanir.

■ **9. gr.** Seðlabanki Íslands er heimilt að gefa út framseljanleg verðbréf í innlendri eða erlendi mynt til að selja lánastofnunum sem geta átt innlánsviðskipti við hann, sbr. 6. gr.

■ **10. gr.** Seðlabanki Íslands ákveður vexti af innlánunum við bankann, af lánunum sem hann veitir og af verðbréfum sem hann gefur út.

■ **11. gr.** Seðlabanki Íslands er heimilt að ákveða að lánastofnanir skuli eiga fé á bundnum reikningi í bankanum. Honum er einnig heimilt að ákveða að tiltekinn hluti aukningsar innlánuna eða ráðstöfunarfjár við hverja stofnun skuli bundinn á reikningi í bankanum, enda fari heildarfjárhæð sem viðkomandi stofnun er skyldt að eiga í Seðlabankanum ekki fram úr því hámarki sem sett er skv. 1. málsl. þessarar málsgreinar. Enn fremur er Seðlabankanum heimilt að ákveða að verðbréfasjóðir skuli eiga fé á bundnum reikningi í bankanum.

□ Seðlabankinn setur nánari reglur<sup>1)</sup> um grundvöll og framkvæmd bindingar samkvæmt þessari grein, þar á meðal til hvaða lánastofnana hún tekur. Í þeim má ákveða að bindihlutfall sé mismunandi eftir eðli lánastofnana og verðbréfasjóða og flokkum innlánuna og annarra skuldbindinga sem bindingin nær til. Gæta skal jafnraðis við ákvörðun bindiskyldu þannig að hún valdi ekki röskun á samkeppnisstöðu á milli þeirra innlendu fyrirtækja sem sæta innlánabindingu.

<sup>1)</sup> Rgl. 373/2008.

■ **12. gr.** Seðlabanki Íslands er heimilt að setja reglur um lágmark eða meðaltal lauss fjár lánastofnana sem þeim ber ætíð að hafa yfir að ráða í þeim tilgangi að mæta fyrirsjáanlegum og hugsanlegum greiðsluskuldbindingum á tilteknu tímabili, sbr. 4. gr. Í þeim má ákveða að mismunandi ákvæði gildi um einstaka flokka lánastofnana.

■ **13. gr.** Seðlabanki Íslands er heimilt að setja reglur um gjaldeyrisjöfnuð. Í slíkum jöfnuð skal auk gengisbundinna eigna og skulda telja skuldbindingar og kröfur sem tengdar eru erlendum gjaldmiðlum utan efnahags, svo sem framvirka samninga og valréttarsamninga.

<sup>1)</sup> Rgl. 707/2009.

■ **14. gr.** Seðlabanki Íslands annast hvers konar bankajónustu fyrir ríkissjóð aðra en lánafyrirgreiðslu, sbr. 16. gr. Innstæður ríkissjóð skulu varðveittar á reikningum í Seðlabankanum nema sérstakar aðstæður gefi tilefni til annars.

□ Seðlabankinn skal vera ríkisstjórn til ráðuneytis um allt sem varðar gjaldeyrismál, þar á meðal erlendar lántökur, og taka að sér framkvæmd í þeim efnum eftir því sem um verður samið.

■ **15. gr.** Stjórnvöld veita Seðlabanki Íslands þær upplýsingar um efnahagsmál almennt og um ríkisfjármál, lántökur og greiðsluáætlanir ríkissjóðs sem nauðsynlegar eru fyrir starfsemi bankans.

■ **16. gr.** Seðlabanki Íslands er óheimilt að veita ríkissjóði, sveitarfélögum og ríkisstofnunum öðrum en lánastofnunum lán.

□ Verðbréf, sem skráð eru í opinberri kauphöll og gefin eru út af þeim aðilum sem um ræðir í 1. mgr. og Seðlabankinn kaupir á verðbréfamarkaði eða af lánastofnunum til að ná markmiðum sínum í peningamálum, skulu ekki teljast lán samkvæmt ákvæðum þessarar greinar.

■ **17. gr.** Seðlabanki Íslands stundar önnur banka- og verðbréfaviðskipti sem samrýmast hlutverki hans sem seðlabanka. Í því skyni er bankanum meðal annars heimilt að eiga aðild að og hlut í fyrirtækjum og stofnunum á sviði kauphallarstarfsemi, verðbréfaskráningar og greiðslukerfa.

□ Seðlabankanum er óheimilt að annast viðskipti við einstaklinga og fyrirtæki sem samkvæmt lögum, venju eða eðli máls teljast verkefni annarra. Honum er þó heimilt að annast frumsölu og innlausn verðbréfa sem ríkissjóður hefur gefið út.

#### **IV. kaffi. Gengismál, gjaldeyrismarkaður og erlend viðskipti.**

■ **18. gr.** Seðlabanki Íslands verslar með erlendan gjaldeyri, hefur milligöngu um gjaldeyriviðskipti og stundar önnur erlend viðskipti sem samrýmast markmiðum og hlutverki bankans.

□ Að fengnu samþykki [ráðherra]<sup>1)</sup> ákveður Seðlabankinn hvaða stefna skuli gilda um ákvörðun á verðgildi íslensku krónunnar gagnvart erlendum gjaldmiðlum.

□ Seðlabankinn setur reglur<sup>2)</sup> um starfsemi skipulegra gjaldeyrismarkaða eftir því sem kveðið er á um í lögum um gjaldeyrismál. Þegar sérstaklega stendur á getur Seðlabankinn tímabundið takmarkað eða stöðvað viðskipti á skipulegum gjaldeyrismörkuðum.

<sup>1)</sup> L. 98/2009, 46. gr. <sup>2)</sup> Rgl. 187/2002. Rgl. 1098/2008.

■ **19. gr.** Hvern virkan dag sem skipulegir gjaldeyrismarkaðir eru almennt starfandi skal Seðlabanki Íslands skrá gengi krónunnar gagnvart helstu gjaldmiðlum. Það gengi skal notað til viðmiðunar í opinberum samningum, dómsmálum og öðrum samningum milli aðila þegar önnur gengisviðmiðun er ekki sérstaklega tiltekin. Enn fremur getur Seðlabankinn ákveðið að skrá gengi krónunnar á þeim dögum sem skipulegir gjaldeyrismarkaðir eru almennt ekki starfandi. Þegar sérstaklega stendur á getur Seðlabankinn tímabundið fellt niður skráningu á gengi krónunnar.

■ **20. gr.** Seðlabanki Íslands varðveisir gjaldeyrisvarasjóð í samræmi við markmið og hlutverk bankans. [Seðlabankastjóri]<sup>1)</sup> setur starfsreglur um varðveislu gjaldeyrisvarasjóðsins sem bankaráð staðfestir, sbr. 28. gr.

□ Seðlabankanum er heimilt að taka lán til að efla gjaldeyrisvarasjóðinn. Honum er jafnframt heimilt að taka þátt í samstarfi erlendra seðlabanka og alþjóðlegra banka- eða fjármálastofnana um lánveitingar til að efla gjaldeyrisvarasjóð þáttakenda.

<sup>1)</sup> L. 5/2009, 1. gr.

■ **21. gr.** Seðlabanki Íslands annast samskipti og viðskipti við alþjóðlegar stofnanir á starfssviði sínu í umboði ríkisstjórnarinnar eða eftir því sem honum er falið með lögum.

□ Seðlabankinn fer með fjárhagsleg tengsl við Alþjóðagjaldeyrissjóðinn fyrir hönd ríkisins. [Ráðherra]<sup>1)</sup> skipar einn mann og annan til vara til fimm ára í senn til þess að taka sæti í sjóðsráði Alþjóðagjaldeyrissjóðsins.

□ Seðlabankanum er jafnframt heimilt að eiga aðild að öðrum alþjóðlegum stofnunum, enda samrýmist það hlutverki hans sem seðlabanka.

<sup>1)</sup> L. 98/2009, 46. gr.

#### **V. kaffi. Stjórnskipulag.**

■ **22. gr.** Yfirstjórn Seðlabanka Íslands er í höndum [efnahags- og viðskiptaráðherra]<sup>1)</sup> og bankaráðs svo sem fyrir er mælt í lögum þessum. [Ákvárdanir um beitingu stjórntækja bankans í peningamálum eru teknar af peningastefnunefnd, sbr. 24. gr. Stjórn bankans er að öðru leyti í höndum seðlabankastjóra.]<sup>2)</sup>

<sup>1)</sup> L. 98/2009, 46. gr. <sup>2)</sup> L. 5/2009, 2. gr.

■ **23. gr.** [[Ráðherra]<sup>1)</sup> skipar seðlabankastjóra og aðstoðarseðlabankastjóra til fimm ára í senn. Seðlabankastjóri og aðstoðarseðlabankastjóri skulu hafa lokið háskólaprófi í hagfræði eða tengdum greinum og búa yfir víðtekri reynslu og þekkingu á fjármálastarfsemi og efnahags- og peningamálum. Aðeins er hægt að skipa sama mann seðlabankastjóra eða aðstoðarseðlabankastjóra tvívar sinnum. Seðlabankastjóri ber ábyrgð á rekstri bankans og fer með ákvörðunarláldi í öllum málefnum hans sem ekki eru falin öðrum með lögum þessum. Aðstoðarseðlabankastjóri er staðgengill seðlabankastjóra.

□ Við skipun í embætti seðlabankastjóra og aðstoðarseðlabankastjóra skal [ráðherra]<sup>1)</sup> skipa þrigga manna nefnd er hafi það hlutverk að leggja mat á hæfni umsækjenda. Skal einn nefndarmaður skipaður samkvæmt tilnefningu samstarfsnefndar háskólastigsins, einn samkvæmt tilnefningu bankaráðs Seðlabanka Íslands og einn án tilnefningar og skal hann vera formaður nefndarinnar.

□ Forfallist seðlabankastjóri eða aðstoðarseðlabankastjóri getur [ráðherra]<sup>1)</sup> sett menn tímabundið í stöður þeirra.

□ Seðlabankastjóri setur reglur um umboð starfsmanna og aðstoðarseðlabankastjóra til að skuldbinda bankann með undirskrift sinni og skulu reglurnar staðfestar af bankaráði, sbr. 28. gr.]<sup>2)</sup>

<sup>1)</sup> L. 98/2009, 46. gr. <sup>2)</sup> L. 5/2009, 3. gr.

■ **24. gr.** [Ákvárdanir um beitingu stjórntækja bankans í peningamálum eru teknar af peningastefnunefnd. Stjórntækji bankans teljast í þessu sambandi vera vaxtaákvárdanir hans, viðskipti við lánastofnunir önnur en tilgreind eru í 2. mgr. 7. gr., ákvörðun bindiskyldu skv. 11. gr. og viðskipti á gjaldeyrismarkaði skv. 18. gr. sem hafa það að markmiði að hafa áhrif á gengi krónunnar. Ákvárdanir peningastefnunefndar skulu grundvallast á markmiðum bankans og vönduðu mati á ástandi og horfum í efnahags- og peningamálum og fjármálastöðugleika.

□ Í peningastefnunefnd situr seðlabankastjóri, aðstoðarseðlabankastjóri, einn af yfirmönum bankans á sviði móttunar eða stefnu í peningamálum og tveir sérfræðingar á sviði efnahags- og peningamála sem [ráðherra]<sup>1)</sup> skipar til fimm ára í senn. Seðlabankastjóri er jafnframt formaður peningastefnunefndar. Peningastefnunefnd er ályktunarhæf ef fjórir af fimm nefndarmönum sitja fund nefndarinnar. Ákvárdanir peningastefnunefndar skulu tekna með einföldum meiri hluta, en falli atkvæði jöfn ræður atkvæði formanns eða staðgengils hans. Peningastefnunefnd skal halda fundi að minnsta kosti átta sinnum á ári. Auk þess getur peningastefnunefnd haldið fund ef formaður ákveður eða þrír nefndarmenn krefjast þess. Peningastefnunefnd setur sér starfsreglur sem bankaráð staðfestir um undirbúning, rökstuðning og kynningu ákvárdana sinna í peningamálum. Opinberlega skal birta fundargerðir peningastefnunefndar og gera grein fyrir ákvörðunum nefndarinnar og forsendum þeirra. Ef peningastefnunefnd metur það svo að alvarleg hættumerki séu til staðar sem ógna fjármálakerfinu skal hún opinberlega gefa

út viðvaranir þegar tilefni er til. Peningastefnunefnd getur þó ákveðið að skýra ekki frá ákvörðunum um viðskipti á gjaldeyrismarkaði skv. 18. gr.

□ Peningastefnunefnd skal gefa Alþingi skýrslu um störf sín tvísvar á ári. Skal efni skýrslunnar rætt á sameiginlegum fundi efnahags- og skattanefndar, fjárlaganefndar og viðskiptanefndar.<sup>[2]</sup>

<sup>1)</sup> L. 98/2009, 46. gr. <sup>2)</sup> L. 5/2009, 4. gr.

■ **25. gr.** [Seðlabankastjóra og aðstoðarseðlabankastjóra er óheimilt að sitja í stjórnnum stofnana og atvinnufyrirtækja utan bankans eða taka þátt í atvinnurekstri að öðru leyti nema slíkt sé boðið í lögum eða um sé að ræða stofnum eða atvinnufyrirtæki sem bankinn á aðild að. [Ráðherra]<sup>[1)</sup> hefur úrskurðarvald ef ágreiningur rís um beitingu þessa ákvæðis.

□ Um þáttöku annarra starfsmanna Seðlabanka Íslands í stjórnnum stofnana og atvinnufyrirtækja skal seðlabankastjóri setja reglur sem bankaráð staðfestir, sbr. 28. gr.

□ Nefndarmönnum í peningastefnunefnd sem [ráðherra]<sup>[1)</sup> skipar er óheimilt að sinna störfum utan bankans sem geta verið til þess fallin að draga óhlutdrægni þeirra í efa. [Ráðherra]<sup>[1)</sup> hefur úrskurðarvald ef ágreiningur rís um beitingu þessa ákvæðis. [Ráðherra]<sup>[1)</sup> getur með reglugerð kveðið nánar á um hæfisskilyrði nefndarmanna í peningastefnunefnd.<sup>[2]</sup>

<sup>1)</sup> L. 98/2009, 46. gr. <sup>2)</sup> L. 5/2009, 5. gr.

■ **26. gr.** Kjósa skal bankaráð Seðlabanka Íslands að loknum kosningum til Alþingis. Bankaráð skipa sjö fulltrúar kjörnir hlutbundinni kosningu af Alþingi ásamt jafnmörgum til vara. Eigi má kjósa stjórnendur eða starfsmenn láanastofnana eða annarra fjármálastofnana sem eiga viðskipti við bankann til setu í bankaráði. Umboð bankaráðs gildir þar til nýtt bankaráð hefur verið kjörið. Láti bankaráðsmaður af störfum tekur varamaður sæti hans þar til Alþingi hefur kosið nýjan aðalmann til loka kjörtímabils bankaráðsins.

□ Bankaráð velur formann og varaformann úr eigin röðum. Ráðherra ákveður þóknun bankaráðs sem greidd er af Seðlabankum.

■ **27. gr.** Formaður bankaráðs Seðlabanka Íslands kallar bankaráð saman til fundar. Ætíð skal þó halda bankaráðsfund þegar tveir bankaráðsmenn óska þess. Fundur bankaráðs er ályktunarhæfur ef meiri hluti bankaráðs situr fund. Afl atkvæða ræður úrslitum við afgreiðslu mála. Falli atkvæði jafnt ræður atkvæði formanns. Á fundum bankaráðs skal halda gerðabók.

□ [Seðlabankastjóri] situr fundi bankaráðs og hefur þar tillögurétt og tekur þátt í umræðum. Hann skal þó víkja af fundi ef bankaráð ákveður.<sup>[1)</sup>

<sup>1)</sup> L. 5/2009, 6. gr.

■ **28. gr.** Bankaráð hefur eftirlit með því að Seðlabanki Íslands starfi í samræmi við lög sem um starfsemina gilda. [Seðlabankastjóri]<sup>[1)</sup> skal jafnan upplýsa bankaráð um helstu þætti í stefnu bankans og um reglur sem hann setur. Að öðru leyti skal bankaráð sérstaklega sinna eftirtoldum verkefnum:

a. Staðfesta tillögur [seðlabankastjóra]<sup>[1)</sup> um höfuðþætti í stjórnskipulagi bankans.

b. [Ákveða laun og önnur starfskjör aðstoðarseðlabankastjóra og fulltrúa í peningastefnunefnd, þ.m.t. rétt til biðlauna og eftirlauna. Kjararáð ákveður laun og önnur starfskjör seðlabankastjóra önnur en rétt til biðlauna og eftirlauna og önnur atriði sem varða fjárhagslega hagsmuni hans sem bankaráði ákveður.<sup>[2)</sup>

c. Hafa umsjón með innri endurskoðun við bankann og ráða aðalandurskoðanda.

d. Staðfesta starfsreglur sem [peningastefnunefnd]<sup>[1)</sup> setur um undirbúning, rökstuðning og kynningu ákværðana í peningamálum, sbr. 24. gr.

[e. Fylgjast með framkvæmd starfsreglna og starfsháttum peningastefnunefndar.

f. Staðfesta val yfirmanna í peningastefnunefnd að fenginn tillögú seðlabankastjóra.]<sup>[1)</sup>

[g.]<sup>[1)</sup> [Staðfesta reglur sem seðlabankastjóri setur um umboð starfsmanna bankans og aðstoðarseðlabankastjóra til þess að skuldbinda bankann, sbr. 23. gr.]<sup>[1)</sup>

[h.]<sup>[1)</sup> Staðfesta kjarasamninga við starfsmenn bankans, fjalla um reglur um lífeyrissjóð þeirra og staðfesta skipun fulltrúa í stjórn hans þegar svo ber undir.

[i.]<sup>[1)</sup> Staðfesta tillögú Seðlabankans til [ráðherra]<sup>[3)</sup> um reglur um reikningsskil og ársreikning bankans, sbr. 32. gr.

[j.]<sup>[1)</sup> Veita [ráðherra]<sup>[3)</sup> umsögn um reglugerð um framkvæmd einstakra þátta laga þessara þegar svo ber undir, sbr. 39. gr.

[k.]<sup>[1)</sup> Staðfesta ársreikning bankans, sbr. 32. gr.

[l.]<sup>[1)</sup> Staðfesta áætlun um rekstrarkostnað bankans sem [seðlabankastjóri]<sup>[1)</sup> leggur fram í upphafi hvers starfsárs.

[m.]<sup>[1)</sup> Hafa eftirlit með eignum og rekstri bankans og staðfesta ákværðanir um meiri háttar fjárfestingar.

[n.]<sup>[1)</sup> Staðfesta reglur sem [seðlabankastjóri]<sup>[1)</sup> setur um viðurlög í formi dagsekta, sbr. 37. gr.

[o.]<sup>[1)</sup> Staðfesta reglur sem [seðlabankastjóri]<sup>[1)</sup> setur um heimild starfsmanna bankans til setu í stjórnnum stofnana og atvinnufyrirtækja utan bankans, sbr. 25. gr.

[p.]<sup>[1)</sup> Staðfesta starfsreglur sem [seðlabankastjóri]<sup>[1)</sup> setur um varðveislu gjaldeyrisforðans, sbr. 20. gr.

<sup>1)</sup> L. 5/2009, 7. gr. <sup>2)</sup> L. 87/2009, 6. gr. <sup>3)</sup> L. 98/2009, 46. gr.

## VI. kafli. Öflun upplýsinga, rannsóknir og skýrslugerð.

■ **29. gr.** Til þess að sinna hlutverki sínu skv. 3. og 4. gr. getur Seðlabanki Íslands milliliðalaust aflað upplýsinga frá þeim sem eru í viðskiptum við bankann skv. 6. gr., sbr. 7. gr., auk fyrirtækja í greiðslumiðlun og annarra fyrirtækja eða aðila sem lúta opinberu eftirliti með starfsemi sinni, sbr. lög um opinbert eftirlit með fjármálastarfsemi.

□ Skylt skal öllum að láta Seðlabankanum í té þær upplýsingar sem hann þarf að halda til hagskýrslugerðar að viðlogðum viðurlögum skv. 37. gr.

■ **30. gr.** Seðlabanki Íslands gerir skýrslur og áætlanir um peningamál, greiðslujöfnuð, gengis- og gjaldeyrismál og annað sem hlutverk og stefnu bankans varðar. Seðlabankinn skal eigi sjaldnar en ársfjórðungslega gera opinberlega grein fyrir stefnu sinni í peningamálum og fyrir þróun peningamála, gengis- og gjaldeyrismála og aðgerðum sínum á þeim sviðum. Þá skal Seðlabankinn gefa út ársskýrslu þar sem hann gerir ítarlega grein fyrir starfsemi sinni.

■ **31. gr.** Seðlabanki Íslands stundar hagrannsóknir sem lúta að viðfangsefnum bankans á sviði peningamála og fjármála kerfis. Jafnframt er bankanum heimilt að stuðla að rannsóknum annarra á þessum sviðum.

## VII. kafli. Reikningsskil og ráðstöfun hagnaðar.

■ **32. gr.** Reikningsári Seðlabanka Íslands er almanaksárið. Fyrir hvert reikningsári skal gera ársreikning og skal gerð hans lokið innan þriggja mánaða frá lokum reikningsárs. Um gerð ársreiknings fer eftir lögum, reglum og góðri reiknings-skilavenju.

- [Ráðherra]<sup>1)</sup> setur nánari reglur<sup>2)</sup> um reikningsskil og ársreikning að fengnum tillögum Seðlabankans, sbr. 28. gr.

<sup>1)</sup> L. 98/2009, 46. gr. <sup>2)</sup> Rgl. 1088/2005.

- **33. gr.** Innri endurskoðun í Seðlabanka Íslands er í höndum aðalendurskoðanda, sbr. 28. gr. Auk þess skal Ríkisendurskoðun annast endurskoðun hjá Seðlabankanum.

- Að lokinni endurskoðun á ársreikningi bankans skal hann undirritaður af [seðlabankastjóra]<sup>1)</sup> og staðfestur af bankaráði, sbr. 28. gr. Hafi bankaráðsmaður fram að færa athugasemdir við ársreikning skal hann undirritaður með fyrirvara og koma skal fram hvers eðlis fyrirvarinn er.

- Endurskoðaður reikningur skal lagður fyrir [ráðherra]<sup>2)</sup> til áritunar eigi síðar en þremur mánuðum eftir lok reikningsárs.

- Ársreikning Seðlabankans skal birta í árskýrslu bankans, sbr. 30. gr. Enn fremur skal bankinn birta mánaðarlegt efna-hagsyfirlit.

<sup>1)</sup> L. 5/2009, 8. gr. <sup>2)</sup> L. 98/2009, 46. gr.

- **34. gr.** Árlega skal fjárhæð sem svarar til tveggja þriðju hluta hagnaðar Seðlabanka Íslands á liðnu reikningsári greidd í ríkissjóð. Greiðsla fer fram eigi síðar en 1. júní ár hvert.

- Prátt fyrir ákvæði 1. mgr. skal Seðlabankinn aðeins greiða þriðung hagnaðar síns í ríkissjóð ef eigið fé bankans í lok reikningsárs svarar ekki að lágmarki til 2,25% af fjárhæð útlána og innlendar verðbréfaeignar lánakerfisins í lok reikningsársins á undan.

### VIII. kafli. Ýmis ákvæði.

- **35. gr.** Bankaráðsmenn, [seðlabankastjóri, aðstoðarseðlabankastjóri, nefndarmenn í peningastefnunefnd]<sup>1)</sup> og aðrir starfsmenn Seðlabanka Íslands eru bundnir þagnarskyldu um allt það sem varðar hagi viðskiptamanna bankans og málefni bankans sjálfs, svo og um önnur atriði sem þeir fá vitnesku um í starfi sínu og leynt skulu fara samkvæmt lögum eða eðli málს, nema dómari úrskurði að upplýsingar sé skyld að veita fyrir dómi eða til löggreglu eða skyld sé að veita upplýsingar lögum samkvæmt. Þagnarskyldan helst þótt látið sé af starfi.

- Bankaráðsmönnum, [seðlabankastjóra, aðstoðarseðlabankastjóra, nefndarmönnum í peningastefnunefnd]<sup>1)</sup> og öðrum starfsmönnum Seðlabankans er óheimilt að nýta sér trúnaðarupplýsingar, sem þeir komast yfir vegna starfs síns í bankanum, í þeim tilgangi að hagnast eða forðast fjárhagslegt tjón í viðskiptum.

- Prátt fyrir ákvæði 1. mgr. er Seðlabankanum heimilt að eiga gagnkvæm upplýsingaskipti við opinbera aðila erlendis um atriði sem lög þessi taka til að því tilskildu að sá sem óskar upplýsinga sé háður samsvarandi þagnarskyldu.

- Seðlabanki Íslands skal veita Fjármálaeftirlitinu allar upplýsingar sem bankinn býr yfir og nýtast kunna í starfsemi Fjármálaeftirlitsins. Upplýsingar sem veittar eru samkvæmt þessari grein eru háðar þagnarskyldu samkvæmt lögum þessum og lögum um opinbert eftirlit með fjármálastarfsemi. Seðlabankinn og Fjármálaeftirlitið skulu gera með sér samstarfssamning þar sem m.a. er kveðið nánar á um samskipti stofnananna.

<sup>1)</sup> L. 5/2009, 9. gr.

- **36. gr.** Seðlabanki Íslands er undanþeginn [tekjuskatt]<sup>1)</sup> samkvæmt lögum um [tekjuskatt]<sup>1)</sup> eins og þau eru á hverjum tíma.

- Hvers konar skuldbindingar, sem gefnar eru út af bankanum og í nafni hans, svo og skuldbindingar sem veita bankanum handveðsrétt, arðmiðar af skuldbréfum bankans og framsöl þeirra skulu undanþegin stimpilgjaldi.

<sup>1)</sup> L. 129/2004, 140. gr.

- **37. gr.** Fyrir brot á lögum þessum skal refsas með sektum eða fangelsi liggi ekki þyngri refsing við broti samkvæmt öðrum lögum. Tilraun og hlutdeild í brotum á lögum þessum er refsiverð eftir því sem segir í almennum hegningarlögum.

- Seðlabanka Íslands er heimilt að beita lánastofnanir og verðbréfasjóði viðurlögum í formi dagsektu sem ákveðnar eru samkvæmt reglum<sup>1)</sup> sem settar eru af [seðlabankastjóra]<sup>2)</sup> með samþykki bankaráðs, sbr. 28. gr., hlíti þær ekki reglum bankans um bindiskylu, laust fé og gjaldeyrisjöfnuð. Dagsektir sem ákveðnar eru samkvæmt þessari grein má innheimta með aðför að lögum. Reglur um viðurlög skulu kyntar Fjármálaeftirlitinu og þeim stofnunum sem þær taka til. Ákvörðun um að beita dagsektum má kæra til ráðherra. Innheimt viðurlög samkvæmt þessari grein skulu renna að  $\frac{3}{4}$  hlutum til ríkissjóðs og skulu þau greidd 1. júní ár hvert fyrir næstliðið ár.

- Seðlabankanum er heimilt að beita þá aðila viðurlögum í formi dagsektu sem vanrækja að veita bankanum upplýsingar, sem hann á rétt á samkvæmt lögum þessum, eða veita bankanum vísvitandi rangar upplýsingar. [Seðlabankastjóri]<sup>2)</sup> setur reglur<sup>1)</sup> um þessi viðurlög sem skulu staðfestar af bankaráði.

<sup>1)</sup> Rgl. 389/2002. <sup>2)</sup> L. 5/2009, 10. gr.

- **38. gr.** Seðlabanka Íslands er heimilt að setja reglur<sup>1)</sup> um viðfangsefni sín samkvæmt lögum þessum eftir því sem ástæða verður talin til. Seðlabankinn birtir reglur sem hann setur samkvæmt lögum þessum þannig að þær séu aðgengilegar almenningi.

<sup>1)</sup> Rgl. 540/2007. Rgl. 553/2009. Rgl. 703/2009. Rgl. 704/2009. Rgl. 805/2009. Rgl. 849/2009.

### IX. kafli. Gildistaka o.fl.

- **39. gr.** [Ráðherra]<sup>1)</sup> getur, að fengnu álti bankaráðs, sett með reglugerð<sup>2)</sup> nánari ákvæði um framkvæmd einstakra ákvæða laga þessara.

<sup>1)</sup> L. 98/2009, 46. gr. <sup>2)</sup> Rg. 470/1986, sbr. 136/1989, 111/1995 og 640/1999 (um Seðlabanka Íslands).

- **40. gr.** Lög þessi öðlast gildi nú þegar. . . .

### Ákvæði til bráðabirgða.

- **I.** Við gildistöku laga þessara kýs Alþingi sjö fulltrúa í bankaráð Seðlabanka Íslands og jafnmarga til vara. Frá sama tíma fellur niður umboð þeirra er þá sitja í bankaráðinu.

- **II.** Bankastjórar Seðlabanka Íslands við gildistöku laga þessara halda störfum sínum til loka skipunartíma síns. Ákvæði 2. mgr. 23. gr. um skipun bankastjóra gildir frá og með fyrstu skipun í embætti bankastjóra eftir gildistöku laganna. Við gildistöku laganna skipar forsætisráðherra formann bankastjórnar úr röðum bankastjóra til sama tíma og skipun hans í embætti bankastjóra varir.